

兩
浙
名
賢
錄

兩浙名賢錄序

纂撰出心風儆奏目
光注睇受譬彼日星
是以國史如日見古
猶今方志若星聚明

作照吾浙地分牛斗
一躔山鏡東西二目
而漢占帝座晉驗少
微氣值漸江虹流構
李丙宜與之爭耀酉

必不忍長藏合數千
百年輝山灼海之精
芒不得不借一名士
手於今日之徐君仲
和使昭垂之也惟是

昔情常存繫此殘冊
今代不徃住彼貽編
浙有紀載如謝鍾虞
吳會稽錢塘先後賢
傳典錄地記咸用沈

漣靡從檢擷特恃郡
邑記乘及省會通志
而已顧郡縣必暱情
而詳猥通總每戒濫
而節縮猥甚則俚縮

極則晦或去史而炫
異或逞情而失實休
顯售名易窮陋附見
難集媿浮聲篇掛漏
德以故骨憎錢譽寧

摘野聞傳虞米乞別
思祕橐殆謂單帙時
存真是非外撰曾無
過毀讚也徐君於是
就史徵信搜乘摘誣

論久乍歸碣方出地
一甘瓠借五探車迴
聲削浮士之譽名採
正人之譏與天下所
公是提人心之未醒

人於一生揭其特重
事有兩大衡其所至
故或使之居彼而適
稱出此而陡輕不作
應聲蟲斥彼碧雲顰

今所必怒後當見量
不令位置違其恒素
則於儒理孝忠二十
餘則所爲匡廓台蕩
江海間已灰之靈明

欲飛之情想者乎余
惟兩浙產無媿千古
今每用一人綱維一
世東京節義實始子
陵江左再安繫惟謝

傳遜國忠希古之歿
良知啟伯安之脉黃
忠簡之處父子不殊
忠定內禪于忠肅之
稱再造奚翅宣公奉

天是歷代有故浙必
有人爲天下先也又
如程巽隱之殉建文
項襄毅之平陝亂屠
康僖之請寬恤鄭端

簡之編吾學沈司馬
之論綱常是

朝家有故嘉亦有人爲
浙士先也徐君自表
兩浙士重於今天下

余更表嘉所產且以
重兩浙併光數千載
昭爲一星紀使之拱
北輝離用之增明今
日之日者也余昔在

詞林檢繙地志下邑
必推德涵武功名郡
則稱穀峰充乘若總
撰則蜀無過升菴藝
文荆獨許玄素楚紀

但楚紀外及仕轍游
軒去此則徐君浙錄
矩矱近之然廖窺中
秘採撰易成登穀富
徐雖腹笥据撫難爲

集翠工矣未易君臣
允稱兄弟讀此未可
謂浙無人也

賜進士及第光祿大夫
柱國少傅兼太子太

傳戶部尚書武英殿

大學士同知

制誥

經筵

日講

序

十

玉牒提調

實錄總裁繡水朱國祚

誤

兩浙名賢錄序

天地非虛位不費於人文則精神不
靈古今雖陳迹不托於斯文則月目
不開後人之月目即前人之精神是
也前人之精神即後人之月目是必
孔子以是北開春秋之月目子與氏

以仁義開戰國之耳目司馬子長以
記傳開二千二百六十餘年之耳目
班掾父子以述作開一代之耳目迄
今尚友者低徊千古揖讓一堂如親
見其人履其事開卷指掌即可以啓
後人之聲蹟若以浙東西為天地具

區山川蒼蔚江海磅礴鍾爲人文世
代濟美肩背相望其表裏前代者無
具論即我

朝之宰臣若首開國則青田控其襟
定內難則兗甬表其節殲巨逆則文
成備其勲此程遠會風雲各見其奇

然亦每為鍾英地靈則傑耳仲和徐
子英明朗秀博洽淹通以文園瑞鳳
甘為東海醉龍俗身天地緬懷千古
釐泯代之輿圖鍾情桑梓控東西之
巨詰夢探名賢首標門額系以黃眉
結末終藏廣之傳論由經常以及述

數自紫閣以建清茅遂隱不遺潤閭
無外三四異稿十載編纂透龍飛鳳
祥之精神開揭日攀雲之耳目蓋瑰
意竒行世遠而易湮達士高人隱跡
而埋耀名山大川能使其精神自完
不能失其耳目閱世後生景行必藉

高山達士指南惟脩鐵路然精神能
通於上世而耳目易隔於面牆如彼
優孟衣冠傳奇史孝千載心惺猶能
令人頤解舌喬按指源下耳目開以
初生嬰孺未識父面異地長成非經
指引覲面路人耳目未開也以故欲

振上世之精神以接今人耳目必不
可無此書欲醒今人之耳目以透上
世精神亦必不可無此書此仲和龍
榮抱璞學古論世拳々之素志也且
才擅三長識窺二酉翛然世外一片
虛公不倚世局開偕濤之端不私素

見鑒好惡之心書成將出天台雁蕩
增秀五泄兩目添潤八月江湖千尋
海壖尚能自快其奇哉大中丞石水
蘓公雅志慕古潛心典故嘉占其事
不佞開門多暇視為道德千言孫云
割俸未即脫板尚賴北窗賀民却牙

靈海鹽樊大尹紫蓋以成斯美嗟：
耳目既開男精神必振方今東苦建
甯南苦安瀾安得如青田亦肅文來
輦奮袂而起相与建非常之業以靖
茲封疆哉茲以祝兩浙山川且拭目
俟之矣

峇

天祚癸亥小春月之吉

都水使臣冷然楊師孔頓首

典制名貴錄序

壬戌之槐司權常林得告間大
中丞后水蘓公緒論每商確古
今如權稱物不爽絲髮一日書
來云錢唐諸生徐象梅仲齋真
名本也學窺二酉品邁霍南所

化州刺史名賢錄典雅高潔有良
史才乃從來未有之書關係地
方甚大余因得讀其初刻成僅
十之二三嘗鼎一臠已知全味
五薊父稱雖史兄手調莫美於
是物色者久之始得覩其廬貌

聆其辯論殆見過於閭遠甚余
不覺心忤歎曰啞辱天以靈異
之氣鍾於兩淵丛川篤生古來
諸名賢復鍾于今日生仲樞吼
表章之其功昇絀維人物幹旋
宇宙者等則仲蘇所爲默承冥

意遠拓陳蹤合芳輟叭掃不同
之軌一身之關係受大宜寧脫
履功名潛心著化苦不存味頸
微授穎十有餘年所書始成某
爲力詎不艱哉蓋其笑濶古史
一虎僕任之足矣至若檢方志

於不說不傳之時固否威于諸
存若亡之際虐家藥則萬壞兆
穢搜墓碣則諛骨皆香至於今
而是非之淆極已又安所憑以
參去取寧乃仲樞獨能剝外飾
咀抉中藏略驪黃斤賞神駿論

一、必要本末替一、更復槩始
終位置不易、其恒品顯不違、其
繁是玉、次瑩、砥研雖無瑕、不探
也是珠、必握魚目雖無類、不擬
也、故某刺畫描画、賦質授形、若
鏡之照、多所妍媸、盲獻水之流

地而方員自成今讀之尚恍焉
如對其多弁之笑語也如當某
告与之指讓中又如親見其行
夷而身佐之拮据不能心代之
籌算不及也彼邦鞭之思亦駕
之念鬱々然勃々然勤於誦讀

之餘而溢于心目之表北望精
孰能若是咎張僧繇画鷹鸇側
目而鳩鵲改栖吳道子作地獄
變相而屠沽淡業画之通竅昇
亥之勤物一也間仲樞善画得
微以張吳鈔心辨之馬莊鴻表

故無須益類上之毛拂眼中之
粉讀暗吟叱咤眉睫項藉渡生
攬循髮撫環香哀李陵欲絕也
哉大中承定爲從來未育之書
兆欺我矣又昔仲鮪負斤產穀
育歲不盈十冷然楊水韻割瘳

幾半斤叭代去余墜水部勉系
之又未覩厥成所以病去豈坐
川之靈秘不欲盡洩零抑何某
多故也雖睽海內同志不乏是
又言踵余來多盡傾書櫥榆莢
叭終其吏斤仲和之硯田顛夫

吾知穰：淵簞汚耶蒲車不必
假豚蹄斗酒以祭祀將有壺食
其毛不盡者即斥產奚靳焉嗟
亦使无下耒畊之士皆力穡若
仲鮪又思吾不穫之歎哉

告

天啓三年癸亥陽月之吉

淦陽賀君恩謨并書

友游名矣錄叙

自來名矣溪溪而示傳其示
可殊為收埋名鐘泉若勿從
即如漢河南守其公吏免失
其名其子亦免其可致僅存
矣古傳一事可也而已夫子好

年
以反叙之體而充其于文被
之無微者兼錄之亦而已也第
出自郭象則名為史若然自
記我石洞雲樵叢書之篇端
遂采名為解友然其人生于
終賴以不朽如楚之國先矣亦表

陽者陰二傳則不可以解友
少之七輔唐後生象根李師
和未為名法生而免僊毫棘
圃浮沉于一丘青衫乃發懷
著公以舒字謚示乎之氣常
思其心之先於他日豈可致因

年
撫之建事若勃來一衆以冠爲
友淑名矣錄而四叙于來仲和
之來四友淑人才如雲青
田之翅運于中甫之宅似王又
宋之翦運功名事業又日月
光其宅以故事又家懷衍才諸

名節隱沈各分輝之壤而未
有來公執為實錄以表年之
晚乎仲永為之深是夫其人
而此求子改名而後死者能
而使之沈之無傳耶夫史公四
伯夷子篇雖矣而夫子而名蓋

氣保之無後大後小者矣之掌
墨東家也而文西家也夫同力
商子乎且能失而求諸聖者一
史氏有不遺也於是錄又可補
其難照雖謂仲和為史氏之
功也而也第是錄將藉副名

山而進退既憲何說若謂
此錄可羽翼正史庶不負一
片苦心不然則為進好趨退
節義之誨又不然則謂老子
又韓非同傳信失之甚甚故松
不謂五難師和公堂之吾固志

其不然也錄乃一二十君一內卷
五十有四皆儒碩而終之以家
矣云

袁君為世壁後

兩浙名賢錄序

纂錄家有二種洞見天人之理
其評論足以俟百世志追先哲
緝前言往行以定一尊胸中有
所憤懣不平偕古人以發之此
皆賢者事也武林徐生象梅少

博學嗜古工爲詩賦襍父中年
頽棄弗賢猷有味於論世知人
之旨錄兩浙名賢凡若干卷其
所紀事舉其大者以概見其詞
簡而核其意有所會論而贊之
生固雅自愛不肯曳裾貴人之

門獨攜其書走當路謁序余宰
鹽邑生舊附籍西鄉亦以序問
余讀其書而謂之曰生賢乎哉
今士燦髮授一經白首醉其中
期以決策黷科鮮能翦及文史
卽卽以兩漢三國尚多若存若

止何況後世已入仕途又拘嫌
疑避忌諱弗敢輕作稗官小說
襍以恢諧雖同於警言世而傳信
者少君子弗賢生於一方不以
里閭自域其見能求古先聞達
士而上下之此其志量殆甚濶

非淺：爲章句訓詁者比也。聞
生屢困場屋而不悶，亦不輟學。
其抱負當有不輕者。壯季曾挾
策走京師，欲干諸侯王而懷刺，
不投，竟黽敝而返。此其中侶不
忘當世知猷，不愆於碌々之知。

耳今天下方多事生何不一出
而吐其奇還偕章句爲媒起壯
天子之猷掃嫌疑忌諱獨暢其
所欲言乎雖然生於三者亦遜
弗居所述皆嘉言懿行可令人
觀感必不忍嫉世俗而抗高志

又安肯藏名山而飲谷水也余
謂生殆繼獲麟而軼司馬以兩
淵槩天下乎生自此遠矣其抱
三長之才不遂志而發之此耶
安知此錄之不以金紫易乎哉
時

天啓二年歲次壬戌十月之望

黃國樊維城撰

兩浙名賢錄序

名賢錄刻既成客有過余者而言曰古史紀言紀動左右各有專局史而不史曰溺非史而史曰侵無史而史曰僭所合者腐毫而擬禮下之簪筆所囊者螢火而希太乙之然藜人之稱是錄也其謂之何余曰唯否子之所言者史也非錄也史書一人之

言動以立大法於天下錄紀諸賢之言動
以上承一人而法其法於後世此史與錄之
所繇分也吾嘗因是而譬之一人者天也天
無言而化不動而變懸日月星辰以昭回
之而鼓之以風雷宣之以雨露其備以時
其應以節無愆無伏不驕不亢簪筆者
即敬以書之如是而已其職尊其事重

其為力則約而不繁其用心則甘而不苦諸
賢者萬物也其大如四靈或鳴於朝或游於
圃或藏太廟或雨下土依末光為昭回而升
含生之倫共鼓盪於風雷雨露之下遍時
而言乘勢而動昭然在人耳目者其錄之
猶易也至若棲枳之竊繫谷之駒盟服之
驥海窖之羝在落之鱗專域之雉或如晦以

表貞或嚶鳴以求友或吸風餐露以振其
清或飲泉食壤以埋其潔或挺荒歲之特
苗或挾寒年之纖纊或揚孤芳於空谷或
結九房於糞壤或胎明月以沉於淵或抱
疵瑕而蘊於璞不依聲以爲言此逐響
者之所不收也每越繩以爲動又拘方者之
所不採也自非擴無方之識馳域外之觀

又安知倍絲竹而取希聲卻邯鄲而收故步
哉錄至於是其力倍艱而其心更苦矣古之
論史僅曰三長而已以余而論是錄不獨
三長而且兼有十難上下千古遭迴兩湖
一氣所貫百節皆靈吾難其博自為去取
不泥是非無旁撓無曲貸吾難其任丹鉛
在手描画以神繁者芟之槁者澤之字之

有根篇、可誦吾難其工賢者雖卑賤必甄
不肖者即尊卑賢弗取吾難其嚴不為勢惕
不為利回不為誹譽而易慮吾難其勇書一
言之美重於璧駟紀一事之善信若蓍蔡
意在表章不為刻覈吾難其恕遇方聞
之士必咨必詢吾難其虛雖一家之乘必搜
必採吾難其勤本吾儒而外佛老吾難其正

尊王佐而卑霸跡先忠孝獨行而後功業文章吾難其排衆好以伸獨嗜蓋本志以立言則其言不苟因言以標誌則其志不磨耶謂存一王之法於萬世懋兩浙之表於四方即謂史氏之功臣可也而顧以爲侵耶僭耶吾知由是而縣之國門吉光復陶不足方其古轡文錯采不足並其雅金鏗石鐫不足比其

音豈非名教之丹青人倫之藻鑑哉余當參
訂是錄行披白櫛奪目醉心之日久矣故能
言其彷彿若是若曰阿私所好以欺聲瞽則
安所解於吾子乎客不覺蹶然而起離席
而頓顙曰吾過矣吾過矣沈井墮而溷蛙黷
又安知四海之大觀哉非吾子孰發吾覆願
次其言以曉世之不知是錄而輕為訾議者

余曰唯：有是哉子之賢乎！既勇於任過，而復
欲振天下之耳目而昭明之，其意當如是，極
並傳矣。余謝不敏，遂次其語以附於諸君
子序言之末。

天啓三年歲次癸亥十一月長至日

當湖陸澄原兩端氏誤

兩浙名賢錄凡例

一是錄上遡唐虞下終世穆擷兩浙之嶽懿林四海之典型人依代綴做傳體而寓編年事屬類分總志林而標論世文雖因舊義則表微蓋非賢不錄是以有去取而無褒譏第合格則書詎敢以刪潤而希作者知我罪我聽之後賢

一國史麗志指趣不同史以傳信貴詳志則紀賢尚覈若夫詳而不穢覈而不疎則史志之善物也今

是錄準志立程收於去取外者十僅二三攷史修
辭裁之筆削間者十逾五六惟是芟繁就簡以核
其真不敢飾回爲美以離其質雖曰妄作實亦苦
心

一志之爲書頗稱繁猥在守土者每修之以貢職方
而操觚家多束之以虔高閣卽有博雅未必披尋
試舉國賢一一質之能矢口而譚如朱育之對漢
陽興夏統之答賈公闕蓋亦鮮矣愚懼其久而或

湮也故臚列其人區分其事使尚論者不必憊稽
一展卷而如親炙其人焉所不動敬止思齊之念
者非夫矣興起後學於此似有微功

一近代傳誌不稱名而稱公此諛墓之辭非史體也
非惟文不淳古且使讀者數行而後不復知稱述
何人愚槩易公稱名以存書法惟理學敘目加先
生二字者明師承之自尊道統也

一錄曰名賢重儀世也不賢而無儀卽爵祿奚重焉

故凡國史之所傳羣志之所紀與夫家乘之所載
止稱官閥而言行無足採者悉削而不錄

海鹽秦屬會稽舊域最廣自唐析北境爲華亭乃
并屬於吳焉故凡海鹽所產前史悉書吳人華亭
志類收之而海鹽反遺華亭者未之考也海鹽之
收華亭自徐泰始泰之言曰志人物於華亭未析
之前者故宋陶岳零陵志俾其子孫可攷也可謂
有良史之識矣愚仍而錄之以補前史之缺

一按陸道瞻吳地記云海鹽東北二百里長谷陸遜
陸抗居之谷東二里崑山父祖葬焉故陸機詩云
髣髴谷水陽婉孌崑山陰則陸氏固海鹽人也陸
氏之居長谷自康始故收陸氏於海鹽亦自康始
云

一理學止稱某先生不書官閥者人爵非其所貴爾
若夫攷其師授雖有別宗統之道真原無殊趣如
關閩濂洛之學偶以地分而周程張朱之道不緣

人異況纔有源流便分門戶故是錄一槩不敘師
小者所以創意見之藩籬關性真之閫奧也

孝爲百行之原吾夫子行在孝經而以不敢毀傷
爲孝始則孝之爲孝可知矣廬墓且非而況剗股
剗肝哉雖曰以父母之遺體還救父母倘一割不
起父母未瞑而先自殘誰肩後事者先儒以爲非
孝也安常處順以色養爲難顛沛流離以自致爲
重非是者不錄

一吳大帝傳業四世發跡富春陳孝武垂統三朝肇
基吳郡至於南渡八龍半多浙產不敢槩錄者帝
紀之尊難同列傳也惟以破虜父子吳越五王定
爲開霸而以一時共事之臣稱霸佐以附之明英
雄崛起不難化家爲國是豈常人之所能效哉故
立例書之以志事始若夫句踐失國再興難云先
業禹迹不泯繫諸大夫是賴居然霸首夫復何疑
一明興攀附元勲大都生於濠泗惟文學四先生產

於東浙當時戡定大業藉其謀畫居多愚故稱四
先生爲翊運而以國初徵辟貢薦諸賢附之明經
綸於草昧者與休明之鼓吹不同重王佐也

一吏治以紀政績政之寬猛雖殊總以宜民爲上民
之所宜頌聲斯作故以是官起舉卽以是官標目
前後之所履不重焉使考治者知所自始也紀武
功亦然

一寓賢止迄本身所生子孫卽爲土著以易世而後

既食斯土之毛難稱舊籍耳如王羲之稱山陰寓公而獻之卽收爲會稽清正其他以是爲例

爲邦不常厥邑之民離焉是以富室克閭豪宗翼輦舊王既改新版自占其他或以戍遣或以宦遊濕束則異榦或可同枚境恬則他鄉洵美吾土故新豐移而雞犬自識棖桷銅柱標而馬流仍依營壘至於畏壘之尸逃其俎豆桐鄉之祀綿於子孫若此之儔指難數屈第數世而後率穢墓田此綏

狐之思首丘雖雉之雄專域此而不知惡物甚矣
愚故不隔古今大搜譜牒悉令轉徙之賢復還舊
籍蓋挽良江之萬里歸諸濫觴總若木之千枝芘
其浮梗是不待歌楚些以招之而九原之魂無不
欣然來返者若原非浙產雖寓茲數世而復他徙
者不敢槩錄以滋援附之誚

一列女必稱某人妻某人女者示所從也一醮不改
兩髧之常惟當事勢兩難之際情禮俱迫之時或

委曲以全名或慷慨以盡節始爲難能愚故錄其
尤異者以爲尋常嫠婦之法

一分門各從所重非曰尚武者無文修辭者寡業也
孔門身通六藝者七十二人仲尼獨稱曾閔爲孝
豈二子鮮他長而餘賢俱不知色養哉品人以所
重爲衡大都若此至於意之所存寓於圈點一篇
竅要從○情事從○文法從、使披卷者曉然不
必指授俱爲解人

一俎豆鄉賢與旌表孝烈乃朝家風世重典古昔公
論尚嚴濫與者百無一二晚近世風逾薄俎豆止
祀甲科旌表第增門閥布素單窶之賢與者有幾
卽使節如嚴光孝如董黯行如陳嵩執義如戴就
臨難潔身如五烈生當今日觀風者未必知其姓
字安望表厥宅里崇彼几筵所謂賢者未必與與
者未必賢也公論之不存雖重典亦輕矣愚槩削
而不書以爲未祀未旌者解

一仙釋兩家與吾儒竝立爲三就其所執亦自有不可磨滅者矧以彼出世法遊戲世間亦可補化導之所不及辭之無益滅之不能則姑存之云爾標曰外錄以別異端

一生匪同時居皆異地以後學議前賢識真不逮從遺文徵往蹟傳或未真凡所臚分豈皆契合第志在表章法難刻覈一言可頌卽是楷模寧使受減不使受增此則論述之初意也識者幸毋以濫收

爲誚

一是錄自摘鉛以逮脫槧閱歲者五易稿者四雖云
勞止詎敢自多蓋識既陋於覆瓿學更淺於窺豹
上下四千年世邈則考信甚難邇迴十一繩地遼
則搜羅不易矧巖穴之奇閨房之秀爲傳志之所
略耳目之所遺者更不少也則是錄未爲全書拾
遺補缺敬以俟後之君子

天啓元年辛酉七月天孫渡河日徐象梅識

敘目

二儀竝立匪儒莫三一中不倚萬化所含闢道之門
揀道之柄經綸非奇孝友爲政錄儒碩第一

敲麟載道息鉏殞宗霸儒舌戰微言是攻績緒者誰
實維濂洛開先永嘉聖功始廓錄理學第二

勲華聖神拓真孝友啓百行原綜萬化紐赤子不失
大人是儀經天緯地惟庸故奇錄孝友第三

守身者孝致之卽忠曰啓手足乃竭股肱赤膽旣輸

白日可蹈匪曰能忠而始克孝錄忠烈第四

視肉聚肉有目無足塊然不行君子所惡處爲衆父
出則世師窮達匪二惟獨是持錄獨行第五

王業未啓誰開霸圖不甘後起而奮先驅聚蟻以觀
檻獸以肉人發殺機天地反覆錄開霸第六

真主龍飛孽胡魚爛陰瞠欲開啓明乃且啓明者何
厭維四公永清大定鷹揚是同錄翊運第七

元首股肱直曰一體乃翼乃爲是篤是恭筵斑綴盤

漸陸起鴻斷斷無技休休有容錄輔弼第八

山川降靈篤生碩輔砥九曲濶奠萬世土闡闢在手
陰陽在心經之緯之乃武乃文錄經濟第九

雖有衆驚不如一鶚曲木之繩美玉之錯補牘啓悟
折檻霽威屋漏無疚天只可回錄讜直第十

半通甫挂百里是司不矜子獨而恃母慈內之匪懷
哺之匪粟因其固然水火自足錄吏治第十一

佳兵不祥武緣戈止師貞在中帥以長子大旱之雨

至仁之兵不擾自長不戰自平錄武功第十二

大人經世無方不圖一物失所時曰已辜業有所圉
德無不至自鄉徂國以垂百世錄德業第十三

魄濯冰壺身褷玉尺不澄自清旣方且直昵空微曜
點絕纖塵生死靡二寵辱不驚錄清正第十四

草特爲英才奇乃傑千羣亦空萬倫匪埒帝魂是寶
國工所尊顯承前烈陰啓後昆錄才望第十五

身遊無競地處不爭悠悠玩世漠漠養神位匪冀尊

祿詎嫌薄勇退急流名徽解縛錄怡裕第十六

介石莫轉苦節可貞士固有志身豈易名抱石自沉
投蔬立槁烈日澄江同鮮竝鼎錄風節第十七

莘耕出鼎礪釣起璜得雄亦飛遇雌則藏考槃弗諼
療饑泌水亡身與名孰顯與晦錄高隱第十八

六經緒解裂爲百家文矜霧豹筆咤江花繡虎七步
雕蟲萬言淳樸旣散枝葉乃繁錄文苑第十九

雖曰小道亦有可觀大匠不棄榱桷乃完巧心所攻

奇開始破百世之名一日之誤錄方技第二十

女德無終古誌所誠彼貞者娥終天一戴臨危不變

矢死靡他彤管是煒孰齒若華錄列女第二十一

達士曠觀神安則止何必首丘而同狐死高山流水

賞會以心啓茲樂土昌彼後人錄寓賢第二十二

總目

第一卷

第二卷

儒碩

儒碩

第三卷

第四卷

理學

理學

第五卷

第六卷

孝友

孝友

第七卷

第八卷

忠烈

忠烈

第九卷

第十卷

獨行

獨行

第十一卷

第十二卷

開霸

霸佐附

翊運

徵辟貢薦附

第十三卷

第十四卷

輔弼

輔弼

第十五卷

第十六卷

經濟

經濟

第十七卷

第十八卷

經濟

經濟

第十九卷

第二十卷

經濟

經濟

第二十一卷

第二十二卷

謙直

謙直

第二十三卷

第二十四卷

諫直

諫直

第二十五卷

第二十六卷

諫直

吏治

第二十七卷

第二十八卷

吏治

吏治

第二十九卷

第三十卷

吏治

武功

第三十一卷

第三十二卷

武功

德業

第三十三卷

第三十四卷

德業

清正

第三十五卷

第三十六卷

清正

清正

第三十七卷

第三十八卷

清正

清正

第三十九卷

第四十卷

才望

才望

第四十一卷

第四十二卷

恬裕

恬裕

第四十三卷

第四十四卷

風節

高隱

第四十五卷

第四十六卷

文苑

文苑

第四十七卷

第四十八卷

文苑

方技

第四十九卷

第五十卷

方技

列女

第五十一卷

第五十二卷

列女

列女

第五十三卷

第五十四卷

寓賢

寓賢

附外錄

第一卷

玄玄

第二卷

玄玄

第三卷

第四卷

空空

空空

第五卷

第六卷

空空

空空

第七卷

第八卷

空空

空空
詩僧附

叅閱諸名人姓氏爵里

馬 欵

字季聲晉安人貢元任湖廣興國州別駕

薛 岡

字千仞四明人文學

姚士麟

字叔祥海鹽人上舍

吳念祖

字用脩歸安人文學

宋守一

字化卿仁和人官生

鍾祖述

字君明海鹽人上舍

吳慧龍

字仲飛錢塘人山人

沈鳳舉

字靈翼四明人上舍

許士奇

字稚正海鹽人癸丑進士任四川成都府知府

袁升聞

字德玄錢塘人文學

陸錫命

字仲敬平湖人官文華殿中書

錢陞

字西乘海鹽人戊午科舉人

鄭忠材

字孝標海鹽人上舍

孫叔呂

字冲和嘉善人上舍

馮洪業

字茂遠平湖人乙卯科舉人

鄭端胤

字思孟海鹽人文學

阮維岳

字爾鎮黃岡人戊午科舉人

茅維

字孝若歸安人上舍

丘遂

字叔遂嘉善人文學

何閔中

字問卿黃岡人壬戌進士任鎮江府推官

茅元禎

字公良歸安人官文華殿中書

屠中孚

字德胤嘉興人文學

呂濬

字巨源平湖人丙辰進士任南京工部主事

許儋

字叔魯海寧人文學

陳昌懋

字仲脩海鹽人貢士

嚴調御

字印持餘杭人文學

朱祖昌

字令回海鹽人文學

翁望之

字在遺錢塘人文學

陳梁

字則梁海鹽人上舍

查允亮

字具卿海寧人文學

陸鍾良

字登之平湖人上舍

陳義適

字林道錢塘人文學

陸澄原

字嗣端平湖人己酉科舉人

徐元星

字遠之海鹽人文學

楊文驄

字龍友貴州籍江西人戊午科舉人

馮玉鳳

字宣士錢塘人文學

樊齊宏

字謙終黃岡人文學

賀應旂

字士以肥鄉人文學

陸濬原

字嗣哲平湖人文學

陳彩

字效彬莆田人上舍

沈延鈐

字秀納海鹽人文學

賀應旂

字義之肥鄉人文學

何履貞

字仲方黃岡人文學

陸深原

字嗣長平湖人文學

張熙

字玄朗錢塘人文學

支如璫

字小白嘉善人文學

何振鷺

字于西錢塘人文學

屠懋昭

字用明嘉興人文學

方外三人

智 舷

字葦如住嘉興黃葉庵

大 原

字道岍住海鹽慶壽寺

方 覺

字遽然住錢塘靈隱寺

姓氏爵里

前浙西道志之一目次

儒碩

漢

功曹王仲任克

有道趙長君華

太常方聖明儲

三國吳

侍御虞仲翔翻

太子太傅闕德潤澤

鑾林太守陸公紀績

徵子和崇

文正先生范子安平

子夔咸泉
孫蔚附

晉

河間相虞世龍聳

散騎常侍虞叔寧預

太子太傅賀彥光循

高梁太守楊公回方

著作郎謝行思沉

宋齊梁陳

樓季玉幼瑜

國子助教虞僧誕

儀曹孔世遠邊

通事舍人孔子祛

通事舍人沈士嵩峻

都官尚書孔慶緒休源

祠部郎賀承業德基

學博賀德璉瑒

朝散大夫鄭茂昭灼

中散大夫龔孟舒

散騎常侍沈國衛文阿

南郡太守賀文明華

弟季子

五經博士孔僉

子叔玄兄
子玄素附

五經博士孔子雲

尚書左丞賀國寶琛

子端附

太學博士藏公文哀

國子助教太史叔朋

黃門侍郎顧允南越

散騎常侍沈弘道泳

咨議參軍全緩

尚書左丞沈孝和不害

散騎常侍杜子大之偉

五經學士沈懷遠德威

五經博士沈子厚重

唐

陸德明元朗

子孫曾玄附

禮部尚書褚弘度無量

宗正少卿康子元

修文館學士沈伯儀

宋

鴻臚卿慎知禮

子從吉附

東鹿主簿盧叔微禎

陸元象滋

持正先生施彥執德操

謹獨先生楊子平璿

胡牧之謙

弟誼附

屯田員外郎于房

子世封正封附

光祿寺丞朱臨

稽山長石季平待旦

杜隱君醇

杜仁翁汝霖

曾孫五高附

吳教授師仁

大理評士樓子文郁

將仕郎蔣造之至

大學士汪德溫

子思溫
思齊附

尚書右丞陸農師佃

莫君陳

子砥孫
伯虛附

太常少卿江彥文緯

張適道堅

太常博士湛若

錢起錢
演附

崔文學廷碩

殿中丞祝履中常

工部侍郎龔深之源

子楫附

夏元肅饒

周升繆
景仁附

方性夫慤

知常先生周南仲南

經行先生丁昌期

子寬夫
夫志夫附

奉直大夫方伯冶鎔

鄭熙績汝諧

秘書少監戴彥肅良齊

王蘊文責

龍圖閣學士葉秀發時

唐與政仲友

父堯封附

張忠父淳

杏溪先生傅同叔寅

安撫參議戴文子栢

禮部侍郎高抑崇閱

寧海簿毛叔度宏

祖通彦父徽兄宜附

太學博士關子東注

茂陵先生馬師文之純

都官員外郎唐進道閱

博士邵萬宗困

王子安用亨

瀏陽丞胡浚明宗伋

眉州通判趙周錫彥和

子附

復齋先生趙子欽彥肅

僊居尉傅升可芷

李國紀元綱

章升道樵

林奇卿椅

國子博士戚少白如琥

朝議大夫虞從道復

工部侍郎張子宓處

石晉卿一鼇

子千定附

大理卿黃新之蛻

國子博士施景文郁

從子甫一附

太常寺丞梁子奇椅

太府卿何嚴叟夢桂

南康僉判呂冲之

從兄聲之附

洪正字揚祖

南陵先生王威仲炎澤

學諭陸德甫震發

張葆光

中書舍人何文瀾逢原

舒平江通叟津

弟許附

張潤之

人齊先生胡德夫一桂

高山先生許子瑜瑾

附兄薦

兩浙名賢錄卷之一目次終

兩浙名賢錄卷之一

東海徐象梅仲和氏謨

當湖陸澄原嗣端氏閱

儒碩

漢

共三人

功曹王仲任克

王克字仲任上虞人少孤鄉里稱孝既長卒業太學師事班彪家貧無書嘗游市肆閱書一見輒能誦憶遂博通百家言後歸鄉里屏居教授仕郡爲功曹以數諫諍

儒碩

卷之一

光碧堂

不合去。廼閉門潛思。絕慶弔之禮。戶牖牆壁。各著刀筆。著論衡八十五篇。破經傳宿疑。解當世盤結。蔡邕至吳。始得之。恒秘之。帳中。以爲談助。同郡謝夷吾。上書薦之。符詔公車徵。不行。時年七十餘矣。復作養性書十六篇。永元中卒。

有道趙長君畢

趙畢字長君。山陰人。少嘗爲縣吏。奉檄迎督郵畢。耻之。遂棄車馬。去。到健爲詣杜撫。授韓詩。究其術。積二十年。絕問不還家。爲發喪制服。畢卒業。乃歸州。召補從事。

不就後舉有道卒於家著吳越春秋詩細歷神淵蔡邕
至會稽讀詩細而歎息以爲長於論衡旣還京師爲學
者誦而傳之

太常方聖明儲

方儲字聖明丹陽郡人

卽今淳安縣

嘗講孟氏易旁精圖識

建初四年舉孝廉召見試解夢絲儲曰凡亂必剪之而
後理遂拔劔斬斷天子壯之除郎中出令句章歷阜陵
陽翟二縣遭母喪負土成墳哀毀過禮致鸞鳳紫芝白
兔之瑞元和初舉賢良方正對策第一拜議郎轉洛陽

令加太常永元五年郊祀儲言天將有變宜更擇日和
帝不從其目風景明淑詔責其欺罔因飲鴆自殺須臾
電如斗死者千計使召儲已死矣追贈尚書令封縣侯
爲歸其喪宋明帝祀以太牢加贈龍驤將軍洛陽郡公
三國吳 共九人

侍御史虞仲翔翻

虞翻字仲翔會稽餘姚人也少好學有高氣年十二客
有候其兄者不過翻翻追與書曰僕聞琥珀不取腐芥
磁石不受曲鍼過而不存不亦宜乎客得書竒之由是

見稱孫策取會稽翻歸策以爲功曹翻好諫策多用之
已乃出翻爲富春長策薨州舉茂才漢召爲侍御史不
行曹操雅重翻辟之罵曰盜賊乃欲以餘財污良家邪
孫權統會稽拜騎都尉翻數犯顏諫爭權不能悅又性
不協俗多見謗毀坐徙丹陽未幾放還拜侍御史孫權
旣爲吳王飲宴之末自起行酒翻伏地陽醉不持權去
翻起坐權大怒手劔欲擊之侍坐者莫不遑遽惟大司
農劉基抱權極諫以免權嘗與張昭論及神仙翻指昭
曰彼皆死人而語神仙世豈有仙人也權積怒非一遂

徒翻交州。翻自恨疏節骨體，不媚犯上，獲罪當長沒海隅。生無可與語，死當以青蠅爲弔客使。天下一人知己者，足以不恨。竟卒于徙所。聞者憐之。翻在交州十餘年，講學不倦，門徒常數百人。翻高祖零陵太守，光魯祖平南，令成祖鳳父，日南太守，歆及翻五世傳易。翻所著書甚衆，而於易尤精。以宋氏解玄，頗有繆錯，更爲立法，并著明楊釋宋以理其滯。孔融見而歎曰：「覩仲翔之易，則東南之美，豈徒會稽之竹箭邪？」翻有十一子，紀與忠最知名，別有傳。

太子太傅闕德潤澤

闕澤字德潤山陰人家世農夫至澤好學居貧無書嘗爲傭書以供紙筆所寫既畢誦讀亦遍追思論講究覽羣籍兼通歷數孫權稱尊號以澤爲尚書遷中書令加侍中赤烏五年拜太子太傅澤以經傳文多難得盡閱乃斟酌諸家刊約禮文及諸註說以授二官又註乾象曆以正時日每朝廷大議經典所疑必咨訪之以儒學勤勞封都鄉侯性謙恭篤慎官府小吏亦與抗禮人有非短口未嘗及容貌似不足者虞翻稱澤曰闕生矯傑

蓋蜀之揚雄又曰闕子儒術德行亦今之仲舒也。權嘗問書傳何者爲美。澤欲諷諭以明治亂。對曰。賈生過秦論最美。旣卒。權痛惜。數日不食。

鬱林太守陸公紀績

陸績字公紀。康之子也。六歲見袁術。術出橘。績懷之。拜辭墮地。術曰。陸郎作賓客而懷橘乎。績跪曰。欲歸遺母。術大奇之。孫策在吳。張昭張紘。秦松爲上賓。共論四海未泰。須用武平之績。年少未坐。遙大聲言曰。昔夷吾桓公。九合諸侯。一匡天下。不以兵車。孔子曰。遠人。

則修文德以來之今不務道德懷携之術而維尚武績
雖童蒙未喻也昭等異之績容貌雄壯博學多識星曆
算數無不該覽真翻麗統皆忘年與績友善孫權辟爲
曹掾以直道見憚出守鬱林加偏將軍雖時有兵事而
著述不廢嘗作渾天圖註易釋玄皆傳於世績豫知死
日爲辭訣曰有漢志士吳郡陸績幼敦詩書長玩禮易
受命南征邁疾遇厄遭命不幸嗚呼悲隔又曰從今已
去六十年之外車同軌書同文恨不及見也年三十二
卒

微子和崇

微崇字子和。隱於會稽。治易春秋左氏傳。兼善內術。本姓李。遭亂。易姓。遂躬耕以求其志。有從游者。則以所學授之。然所教不過數人。輒止。欲令其業必有成也。太子太傅嚴段薦崇行。足以厲俗。學足以爲師。初見太子。登以疾。賜不拜。東宮官僚皆從咨詢。太子數訪以異同年七十卒。

文正先生范子安平

子夔咸泉孫蔚附

范平字子安。錢唐人。其先銍侯。馥避王莽。適吳。因家焉。

平研窮典墳。遍該百氏舉茂材。累遷臨海太守。有異政。
孫皓時。謝病還家。吳平。頻召不起。卒。詔謚文正先生。賀
循勒碑紀其德行。三子爽。咸。泉。並以文學知名。泉子蔚。
關內侯。好學。有書七千餘卷。遠近來讀者常百餘人。蔚
並以衣食資給之。

晉

共五人

河間相虞世龍等

虞聿字世龍。第六子也。清虛無欲。進退以禮。在吳歷
清官。入晉。除河間相。王素聞聿名。厚敬禮之。聿抽引人

物附在幽隱孤陋之中時王岐難聳以高士所達必合
秀異聳書與俗子察曰世之取士曾不招未齒於丘園
索良才於總猥所譽依已成所毀依已敗此吾所以歎
息也聳疾俗喪祭無度弟昺卒祭以少牢酒飯而已當
時族黨並遵行之

散騎常侍庾叔寧預

庾預字叔寧喜之弟也少孤好學太守庾琛紀瞻並以
為主簿轉功曹諸葛恢庾寬交薦召爲著作佐郎應詔
上書論防寇之術宜得良將因言壽春無鎮祖逖孤立

前有勁虜後無繁援宜加獎勵以奮士心累遷散騎常侍領著作從平蕪峻進爵平康縣侯預雅好經史憎疾玄虛其論阮籍裸袒比之伊川披髮所以胡虜遍於中國以爲過衰周之時著晉書四十餘卷會稽典錄二十篇并詩賦碑誄論難數十篇行於世

太子太傅賀彥先循

賀循字彥先山陰人齊之曾孫也父邵事吳爲中書令以忠諫死循童亂不羣進止必以禮歷武康令政教大行以陸機薦補太子舍人陳敏之亂詐詔書授循丹陽

內史不屈元帝爲晉王以爲軍諮祭酒稱疾固辭帝親幸其舟就加朝服賜與甚厚一無所受轉太常領太子太傅廷尉張闔將奪左右近宅以廣其居作都門早閉夜開民患焉因詣循質之闔聞遽詣循謝而毀其門其爲人敬服如此時朝廷初建動有疑滯宗廟制度皆循所定朝野咨詢爲當世儒宗宗廟上親幸執手流涕太子親臨者三卒贈司空謚穆子臨官至臨海太守

高梁太守楊公回方

楊方字公回會稽人少好學有異才初爲郡鈴下威儀

公事之暇輒讀五經諸史諸葛恢見而奇之待以門人之禮由是始得周旋貴人間時虞喜兄弟以儒學立名雖愛方爲之延譽恢嘗遣方爲文薦郡功曹主簿虞預稱美之送示賀循循報書曰此子開拔有志意只言異於凡猥耳不圖偉才如此世衰道喪人物凋弊每聞一介之徒有向道之志異之願之如方者乃荒萊之特苗鹵田之善秀資質已良但沾染未足耳移植豐壤必成嘉穀昔許子將拔樊仲昭於賈豎郭林宗成龐德公於猷畝足下志隆此業二賢之功不爲難及也循遂稱方

於京師司徒王導辟爲掾轉東安太守遷司徒參軍自
以地寒不願久居京華求補遠郡欲閒居著述導從之
上補高梁太守在郡積年著五經鈞沉更撰吳越春秋
并雜文筆皆行於世以年老棄郡歸導將進之臺閭固
辭還鄉里卒於家

著作郎謝行思沉

謝沉字行思山陰人吳興正都尉秀之子少孤事母至
孝博學多識綜練經史內史何亮引爲參軍母老去職
閒居養親不交人事畊耘之暇研精墳籍康帝卽位朝

議疑七廟迭毀徵爲太學博士以質疑滯遷著作郎沉
撰後漢書百卷及毛詩漢書外傳及他詩賦文論皆行
於世其學在虞預之右云

宋齊梁陳

共二十九人

樓季玉幼瑜

樓幼瑜字季玉義烏人吳侍中玄六世孫也聚徒教授
不應徵辟爲臨川王映所賞異著禮記摭拾三十卷又
撰禮記摭遺別記一卷文集六十六卷

國子助教虞僧誕

虞僧誕餘姚人爲國子助教以左氏傳教授學者常數百人時博士崔靈恩先習左氏服解不爲江東學者所好乃改說杜義每文句常申服難杜僧誕窮精杜學因作申杜難服世多傳之

儀曹孔世遠

孔邊字世遠山陰人好典故學與王儉交昇明中爲齊尚書儀曹郎屢箴闕禮多見信納上謂王儉曰邊真儀曹可謂不忝厥職儉爲宰相邊常謀議帷幄儉嘗從容啓上曰臣有孔邊猶陛下之有臣永明中爲太子家令

卒

通事舍人孔子祛

孔子祛山陰人少孤好學耕耘樵採常懷書自隨投閒
誦讀勤苦自勵遂通經術尤明古文尚書爲國子助教
累遷中書通事舍人武帝撰五經講疏及孔子正言子
祛常考閱羣書以爲義證事竟勅子祛與右衛朱异左
丞賀琛於士林館逐日執經尋加通直員外郎卒官凡
著尚書義二十卷集註尚書二十卷集註周易一百卷
續何承天集禮論一百五十卷

通事舍人沈士嵩峻

沈峻字士嵩武康人也師事宗人麟士晝夜自課睡則以杖自擊遂博通五經尤長三禮仕梁爲國子助教兼五經博士於館講授聽者常數百人及中書舍人賀琛奉勅撰梁官乃啓峻補西省學士助撰錄成兼中書通事舍人出爲本縣令卒於官子文阿自有傳

都官尚書孔慶緒休源

孔休源字慶緒山陰人舉秀才徐孝嗣省其策深善之謂同坐曰董仲舒華令思何以尚此梁臺初建爲太學

侍士一時名士如范雲沈約皆虛襟接之武帝嘗問吏部尚書徐勉求有學藝解朝儀者勉以休源對卽日除尚書儀曹郎時多所改作每逮訪前事休源卽以所記誦隨機斷決無少疑滯任昉常謂之孔獨誦歷都官尚書金紫光祿大夫車駕臨幸常以軍國事委之昭明太子薨有勅夜召休源入宴居殿參定謀議立晉安王綱爲皇太子自公卿珥貂挿筆奏決於前休源怡然無媿及卒帝流涕顧謝舉曰休源居職清忠方欲共康政道奄至捐沒朕甚痛之舉曰此人清介彊直臣亦爲陛下

傳利

利云一

九

惜謚曰貞子。

祠部郎賀承業德基

祖文發父淹附

賀德基字承業。會稽人。世傳禮樂。祖文發。父淹。仕梁俱爲祠部郎。並有名。當世。德基少游學都下。積年不歸。衣資罄乏。又耻服故弊。盛冬止衣夾襦袴。嘗於白馬寺前。逢一婦人。容服甚盛。呼德基入寺門。脫白綸巾以贈之。仍謂曰。君方爲重器。不久貧寒。族以此相遺耳。問姓名。不荅而去。德基於禮記。稱爲精明。位尚書祠部郎。雖不至大官。而三世儒學。俱爲祠部。時論美其不墜。

學博賀德璉瑒

賀瑒字德璉山陰人。曾司空循之玄孫也。少聰敏。齊時沛國劉瓛爲會稽府丞。見瑒深器異之。嘗與俱造吳郡張融。指瑒謂曰。此生將來爲儒者宗矣。薦之國子生。舉明經。授太學博士。梁天監初。爲太常丞。有司舉修賓禮。召見說禮義。武帝異之。詔朝朔望與華林講。四年。初開五館。以瑒兼五經博士。別詔爲皇太子定禮。撰五經義。時武帝方創定禮樂。瑒所建議多見施行。所著禮易老莊講疏。朝廷博士議數百篇。賓禮儀註一百四十五卷。

傳
卷六十一
三
場於禮尤精館中生徒常數百弟子明經對策者至數十人

朝散大夫鄭茂昭灼

鄭灼字茂昭東陽信安人敏而好學嘗夢與皇侃遇侃曰鄭郎開口遂唾之自後文思益進家貧手抄義疏夜以繼日每筆毫盡則削而用之常蔬食講授多苦心熱若灰時輒偃卧以灰鎮心起便讀誦其刻志如此梁簡文在東官時雅好經術引爲西省義學士後仕陳終朝散大夫

中散大夫龔孟舒

龔孟舒金華人也。通毛詩。善談名理。仕梁爲潁陽郡丞。元帝在江州。師事之。陳天嘉中。官至中大夫。

散騎常侍沈國衛文阿

沈文阿字國衛。峻之子。性剛強。有膂力。少習父業。研精章句。通三禮三傳。任五經博士。梁簡文引爲東宮學士。及撰長春義記。多使文阿撮異聞以廣之。及侯景寇逆。簡文別遣文阿募士卒。援都臺城陷。與張顥保吳興。顥敗。文阿竄於山野。景素聞其名。求之甚急。文阿窮迫。登

樹自縊遇有所親採之自投而下折其左臂及景平陳
武帝以文阿鄉里表爲原鄉令監江陰郡紹泰元年入
爲國子博士尋領步兵校尉兼掌儀禮一時典章多所
裁定及陳武帝受禪文阿輒弃官歸武康武帝大怒發
使往誅時文阿宗人沈恪爲郡請使者寬其死卽面縛
鎖頸致於上前上視而笑之曰腐儒復何爲者遂赦之
尋遷通直散騎常侍兼國子博士領羽林監仍令於東
宮講孝經論語卒贈廷尉卿所撰儀禮八十餘條春秋
禮記孝經論語義記七十餘卷經典大義十八卷並行

於時儒者多傳其學

南郡太守賀文明華

弟季子徽附

賀華字文明。瑒之子也。少以家貧。躬畊供養。年二十始
輟耒就父受業。精力不怠。有六尺方牀。思義未達。則橫
卧其上。不盡其義。終不肯食。通三禮及長。偏修孝經論
語毛詩左傳。官太學博士。長七尺八寸。雍容都雅。吐納
蘊藉。勅於永福省。爲邵陵湘東武陵三王講禮。講授生
徒常數百人。出爲湘東王諮議叅軍。王於州置學。以華
領儒林祭酒。講三禮。荆楚衣冠聽者甚衆。官終南郡太

傳

卷之一

古

說

守革至孝常恨食祿代耕不及爲養歷官俸秩不及妻孥專以還鄉造士以申感恩子徽美風儀能吐談深爲革愛先革卒革哭之因邁疾不起弟季亦明三禮位中書黃門郎蕪著作

五經博士孔僉

子淑玄兄子玄素附

孔僉山陰人通五經尤明三禮孝經論語生徒數百人三爲五經博士值太清之亂卒於家子淑玄亦以文學有聲官太學博士兄子玄素善承家學亦以三禮名於時

五經博士孔子雲

孔子雲山陰人也師事吳興沈峻峻始爲國子助教吏部郎陸陸言於侯射徐勉以爲周官一書羣經源本學絕不傳已歷年世惟峻獨精宜卽用其人使專此學勉於是奏峻兼五經博士於館講授子雲實傳峻業官亦至五經博士焉

尚書左丞賀國寶琛

子翊附

賀琛字國寶幼孤伯父瑒授其經業一聞便通義理瑒異之常曰此兒當以明經致貴家貧往還諸暨販粟以

養母雖自執舟楫間則習業尤精三禮初場聚徒教授四方受業者三千餘人場亡散去至是復集琛門時湘東王年幼臨郡彭城到溉爲行事聞琛美名命駕相造會琛正講學侶滿筵既聞上佐忽來莫不傾動琛說經無輟曾不降意溉下車欣然就席便申問難往復從容義理該洽溉歎曰通儒碩學復見賀生因薦爲郡功曹琛辭以母老不就年四十餘始應辟歷官尚書左丞參禮儀事凡郊廟諸儀多所創定每見帝語常移晷刻省中語曰上殿不下有賀雅琛容止閒雅故云所撰三禮

講疏五經滯義及新謚法諸儀注凡百餘篇子翊官至巴山太守

太學博士戚公文袞

戚袞字公文吳郡鹽官人也少聰慧游學都下受三禮於國子助教劉文紹年十九梁武帝策問秀茂周禮禮記義袞對高第除揚州祭酒從事使就國子博士宋懷芳質儀禮義懷芳北人自魏携儀禮禮記疏秘惜不傳及將亡謂家人曰吾死後戚生若赴便以儀禮禮記本付之若其不來卽隨屍而殯爲儒者推許如此尋兼太

學博士簡文在東宮召衆講論又嘗置宴集玄儒之士
先命道學互相質難次令中庶子徐摘馳騁大義間以
劇談摘辭辯縱橫難以答抗諸儒懾氣獨衮與摘往復
精采自若領答如流簡文深加歎賞官終江州長史始
興王錄事參軍所著有禮記義四十卷行於世

國子助教太史叔明

太史叔明烏程人吳太史慈之後也少善莊老兼通孝
經論語每講說聽者常數百人爲國子助教邵陵王好
其學及出爲江郢二州皆携叔明之鎮所至輒講授士

皆傳其學一時以爲儒宗

黃門侍郎顧允南越

顧越字允南，鹽官人。祖道望，齊散騎侍郎。父仲誠，梁護軍司馬。豫章王府諮議參軍。家傳儒學，並專門教授。越少孤，勤苦自立，勵精學業，不舍晝夜，遂博通羣籍，咸盡其精微。時太子詹事周捨一見歎賞。越初仕梁，爲南平王偉右常侍，編綜經旨，深明毛詩，傍通異議，善莊、老、尤長論難，兼工綴文，閑尺牘，長七尺三寸，美鬚眉。武帝嘗於重雲殿自講老子，僕射徐勉舉越論議，越抗首而請。

音。嚮。若。鐘。容。止。可。親。帝。深。贊。美。之。由。是。擢。爲。中。軍。宣。城。王。記。室。參。軍。領。五。經。博。士。侯。景。之。亂。與。沈。文。阿。等。逃。難。東。歸。賊。黨。數。授。以。爵。位。越。誓。死。不。受。因。歸。隱。於。武。丘。山。與。吳。興。沈。炯。同。郡。張。種。會。稽。孔。奩。等。每。爲。文。會。紹。泰。元。年。復。召。爲。國。子。博。士。陳。天。嘉。中。詔。侍。東。宮。講。除。東。中。郎。鄱。陽。王。府。諮。議。參。軍。尋。領。羽。林。監。遷。給。事。中。黃。門。侍。郎。國。子。博。士。侍。讀。如。故。時。朝。廷。草。創。疑。義。多。所。取。決。以。太子。仁。弱。宣。帝。有。奪。嫡。之。意。䟽。言。宜。慎。輔。弼。之。選。廢。帝。卽。位。拜。散。騎。常。侍。兼。中。書。舍。人。黃。門。侍。郎。如。故。領。天。保。博。

上掌儀禮宣帝輔政越因請假免官卒年七十七所著
喪禮毛詩老子孝經論語等義疏四十餘卷詩頌碑製
牋表凡二百餘篇

散騎常侍沈弘道洙

沈洙字弘道吳興武康人少方雅好學不妄交游通三
禮春秋左氏傳精識強記五經章句諸子史書問無不
答仕梁爲尚書祠部郎時學者多涉獵文史不爲章句
而洙獨積思經術吳郡朱异會稽賀琛甚嘉之及异琛
於士林館講制旨義常使洙爲都講侯景之亂洙竄於

臨安時陳文帝在焉親就習業及陳武帝入輔除國子博士與沈文阿同掌儀禮武帝受禪加員外散騎常侍位揚州別駕從事史以太建元年卒

諮議參軍全緩

全緩錢唐人幼受學於博士褚仲都篤志研玩得其精微梁太清初歷王國侍郎國子助教兼司議郎緩通周易老莊時人言玄者咸推之入陳累遷紹興王府諮議參軍

尚書左丞沈孝和不害

沈不害字孝和，吳興武康人。幼孤而修立好學。陳天嘉初，除衡陽府中記室參軍，兼嘉德殿學士。自梁季喪亂，至是國學未立，不害上書請崇建儒官，帝優詔答之。又表改定樂章，使製三朝樂歌詞八首，合二十曲行之。樂府後爲國子博士，領羽林監，勅修五禮，掌策文，謚議等事。太建中，位光祿卿，通直散騎常侍，兼尚書左丞。卒，不害通經術，善屬文，雖博綜經典而家無卷軸，每製文造筆立成，曾無尋檢。所著五經議一百卷，文集十四卷，行於世。

儒類

卷六十一

二

光緒室

散騎常侍杜子大之偉 父規附

杜之偉字子大錢唐人家世以三禮專門父規梁奉朝請與濟陽江革會稽孔休源友善之偉少精敏有逸才七歲受尚書十五徧觀文史及儀禮故事時輒稱其早成僕射徐勉嘗見其文重其有筆力梁武帝幸同泰寺捨身勅勉撰儀注勉以先無此禮召之偉草具其儀及補東宮學士皇太子釋奠於國學時樂府無孔子顏子登歌詞令子偉撰文伶人傳習以爲故事之偉年位甚卑特以強識俊才頗有名當世吏部尚書張纘深知之

以爲廡廟之器陳武帝爲丞相素重其名召補記室參軍遷中書侍郎領大著作及受禪除鴻臚卿餘並如故
丹遷大中大夫仍勅撰梁史卒於官文集十七卷

五經學士沈德遠德威

沈德威字德遠吳興人少有操行梁太清末遁於天目山築室以居雖處亂離篤學無倦天嘉元年徵爲國子助教每自學還私室講授道俗受業數百人遷太常丞兼五禮學士後爲尚書祠部郎陳亡入隋官至秦王府主簿

五經博士沈子厚重

沈重字子厚武康人性警敏博覽尤明詩左氏春秋梁
天監中補國子助教五經博士討論五經考定鍾律隋
開皇二年卒文帝遣使祭以少牢贈開府儀同三司著
周禮三十一卷儀禮三十五卷禮記義三十卷毛詩義
二十八卷喪服經義五卷周禮音一卷詩音十卷

唐

共八人

陸德明元朗

子敦信孫齊望曾孫灝玄孫侃附

陸元朗字德明嘉興人善言玄理陳大建中集名儒入

講元朗始冠與下坐國子祭酒徐孝克倚貴縱辯衆多
下之元朗獨屢奪其說陳亡歸鄉開隋大建中大召明
經元朗與魯達孔褒共會門下省遷國子助教王世克
僭號封子玄恕爲漢王以元朗爲師元朗恥之遂移疾
去世克平秦王辟爲文學館學士高祖釋奠召博士徐
文遠等講論儒釋諸書元朗隨方立義徧析其要帝大
喜曰諸人誠辯遇德明輒敵矣遷國子博士封吳縣男
子敦信麟德中由左侍極檢校左相封嘉興縣子致仕
終大司成敦信子齊望官至秘書少監年二十二階紹

單季望二潮吏部郎中潮子侃陳陽尉卒于官民祀之
禮部尚書褚弘度無量

褚無量字弘度鹽官人刻意墳典以明經擢第除國子
博士兼司業修文館學士中宗將南郊詔定儀典時祝
欽明建言皇后爲亞獻無量固爭以爲郊祀國之大事
其折衷莫如周禮周禮冬至祭天圓丘不以地配唯以
始祖爲主不以妣配故后無與祭之文惟漢有天地合
祭皇后參享事末代黷神事不經見不可爲法時左僕
射韋巨源佐欽明無量議格玄宗爲太子釋奠國學令

講經建端樹義博敏而辯進銀青光祿大夫及卽位遷
左散騎常侍兼國子祭酒封舒國公無量以內府舊書
自高宗時藏宮中甲乙藁削請繕錄補第以廣秘籍詔
於東都乾元殿東廂部彙整比無量爲之使又詔秘書
省司經局昭文崇文二館更相檢讐采天下遺書以益
闕文不數年四庫潔治帝詔羣臣觀書賜無量等帛有
差未幾徙書麗正殿復詔無量就麗正殿纂修前功皇
太子及四王未就學無量以孝經論語五通進帝帝曰
朕知之矣乃選郝常亨等爲太子諸王侍讀七年太子

商胄于學。詔無量升坐勸學。百官觀禮。卒年七十五。病困。語人以麗正書未畢爲恨。詔贈禮部尚書。謚曰文無量。篤孝。母喪。廬於墓左。鹿犯所植松柏。無量號訴曰。山林不乏。忍犯吾塋。樹邪由是羣鹿馴擾。不復振觸。無量爲終身不御其肉。

宗正少卿康子元

康子元。會稽人。仕獻陵令。開元初。詔舉能治易老莊者。張說以子元聞。累擢秘書少監。兼集賢侍講學士。玄宗東之泰山。說引子元等商裁封禪儀。初高宗之封中書

令許敬宗議周人尚臭故前祭而後燔子元奏周官樂
六變天神降是降神以樂非緣燔也宋齊以來皆先燔
福酒乃燎請先祭後燔如貞觀禮便侯行果與趙冬曦
議以爲先燎降神尚矣若祭已而燔神無由降子元議
挺不徒說曰康子獨出蒙輪以當一隊耶詔卒從後燔
乘輿自昏還減從官先次東都唯子元與母哭韋述以
學士從久乃徙宗正少卿以疾授秘書監致士卒贈汴
州刺史帝嘗製贊賜說子元命工圖其像詔冬曦述哭
分爲之傳當世以爲榮

修文館學士沈伯儀

沈伯儀，吳興人。武后時爲太子右諭德。初，韋萬石議明堂大饗事，上言：鄭玄說祀五天帝，王肅謂祀五行帝，貞觀禮從玄；至顯慶禮祀昊天上帝，乾封詔書祀五行帝，無祀昊天上帝。元詔書從貞觀禮，儀鳳初詔祀事一用周制，今應何從？高宗乃集諸儒議，未定。於是大饗參用貞觀顯慶二禮。垂拱元年，成均助教孔立義奏：嚴父莫大於配天，天於萬物爲最大，推父配天，孝之大，尊之極也。易稱先王作樂崇德，薦之上帝，以配祖考上帝，天也。昊

天之祭宜祖考並配請以太帝高宗配上帝於圜丘神
堦皇帝配感帝南郊伯儀曰鄭玄曰禘郊祖宗皆配食
也祭昊天圓丘曰禘祭上帝南郊曰郊祭五神明堂曰
祖宗請以高祖配圓丘方澤太宗配南北郊高宗配五
天帝元萬頃等議令禮昊天上帝等五祀咸奉高祖太
宗兼配以申孝也易薦上帝配祖考有兼配義高祖太
宗既兼祀五帝當如舊請奉高宗歷配焉自是郊丘三
帝並配云伯儀歷祭酒修文館學士

宋

共九十一人

儒碩

宋之二

三

光緒堂

鴻臚卿慎知禮

子從吉附

慎知禮西安人仕錢俶爲掌書記從俶歸宋累官鴻臚卿時母年八十餘懇求歸養退處十年縉紳稱其孝知禮自少至老歲讀五經一遍每開卷必正襟危坐未嘗少懈子從吉真宗朝爲太子詹事權知開封以勤敏稱東鹿主簿盧叔微禎

盧禎字叔微杭州人自幼穎悟及長曉五經大義酷嗜周易孟子端拱初登進士第調補真定東鹿主簿未上辛年二十七嘗著五帝皇極志孺子問翼善書數十篇

陸元象滋

陸滋字元象，世家於杭。滋通毛鄭二詩、易、春秋，既冠以文詞試於鄉，一舉而售。以母病不行，後三年復在選。蔡母有難色，亦不忍行。陳堯佐時使兩浙，與滋書強之行，滋謝不受。博極羣書，或引以答客問，必章解句析，卒不差一字。問者輒服。謂終年讀書不如與陸先生一日語。皇祐四年，詔錄先朝遺士，郡以滋應詔，得杭州文學。嘉祐六年卒。滋好古篤信，且性寬厚，嘗治居材已具，隣有以侵地給之者，滋笑曰：「吾忍以豢白汝妄耶？」卽爲縮其

林里俗襲吳越偽禮多僭忒滋爲援典制家矯而戶正之敝俗頓革自就學至垂沒未嘗去書所著詩賦文論合二十卷

持正先生施彥執德操

施德操字彥執益官人學有本末主孟子而排釋氏曰絕人倫漫等級弃禮樂仁義不用謂能躡造空無此其勝處槩之以道尚自倒易况又飾荒幻報應誑愚取資則尤爲世蠹因著論以曉未悟其學可謂強立不惑者矣學者稱爲持正先生

謹獨先生楊子平璿

楊璿字子平，鹽官人。安貧樂道，不妄取與。尤嚴謹獨之操，居暗室，猶在康衢。學者稱爲謹獨先生。與同里施德操皆力行好修，里人向慕。邑令魏伯恂闢祠合張九成施德操祀之。

胡牧之謙弟誼附

胡謙字牧之，奉化人。與弟誼師事袁燮，傳陸象山學。著易說易林若干卷，誼字正之，號觀省，佚翁著尚書釋疑十卷，觀省雜著三十卷。兄弟文學爲鄉表儀。

屯田員外郎于房

子世封正封附

于房浦江人其先自河南來遷父嵩有學行尤長於文辭會五季之亂抗志不仕房爲文有父風而精簡過之遠邇學者視爲典型中嘉祐四年進士第官至尚書屯田員外郎通判應天府南京留守司子世封正封亦舉進士世封晚乃著易詩書四十卷正封著春秋三傳是非二十卷當時稱以經學世其家者必曰浦江二封

光祿寺丞朱臨

朱臨浦江人其先家吳興五季避亂遷浦陽遂家焉臨

少穎悟從安定胡瑗以明體適用之學教東南人士瑗
乃受春秋瑗嘗著春秋辯要唯臨所得爲精臨晚年好
唐陸淳學謂孔子歿千有餘年說春秋者無出淳書之
右以丞相呂公著薦入官歷宣德郎守光祿寺丞以著
作佐郎致仕所著春秋說二百餘篇

籍山長石季平待旦

石待旦字季平新昌人登進士志操不凡隱居石溪首
闢義塾三區以上中下爲別身自督教衣廩之所成就
多爲當代名臣范仲淹知越州聘爲稽山書院山長四

方受業者甚衆。後以子貴。贈開府儀同三司。刑部尚書。
杜隱君醇

杜醇。越之隱君子也。居慈谿。學以爲己。隱約不求人知。
孝友。閑於鄉里。耕桑釣牧。以養其親。經明行修。學者以
爲楷模。慶曆中。鄞始建學。縣令王安石請爲之師。不赴。
再書。強起之。醇始就焉。慈谿令林肇立學。又起醇爲師。
亦固辭。安石又作師說以勉之。二邑文風之盛。自醇始。
杜仁翁汝霖 曾孫五高附

杜汝霖。字仁翁。蘭谿人。受業胡安定之門。六經皆通。尤

精於易學者宗爲人師至魯孫旗伯高旃仲高旃叔高旃季高旃幼高皆世家學工古文人稱金華五高

吳教授師仁

吳師仁錢塘人陳襄爲郡守薦於朝充教授履行醇正器識高遠嘗肄業太學名聞縉紳應舉不第退居田里甘貧守道每授學者以誠明義理之學而不爲異端之說士習爲之嚮風

大理評士樓子文郁

樓郁字子文自奉化徙鄞志操高厲學以窮理爲先屢

空自樂慶曆中詔郡縣立學延致鄉里有文學行義者
爲之師郝掌教郡邑庠者前後三十年學行篤美信於
上友一時英俊皆在門墻最知名者如豐稷袁穀羅通
其人並爲一正鉅儒旣登進士第調廬江主簿自以祿
不及親絕仕進意以大理評士終於家有遺集三十卷
子孫皆踵世科五世孫鎰德行文章爲時名臣仕至叅
知政事自有傳

將仕郎蔣造之至

蔣至字造之臨海人有學行家居講授從游者衆母張

氏年八十抄經典以助之大中祥符六年詔舉德行遺逸章守德象及部使者以名聞詔索所著經解以進授將仕郎本府助教賜其母帛慶曆大水城墳子孫掖之往避至曰死生命也吾何逃焉正冠危坐而逝

大學士汪德溫洙

子思溫思齊附

汪洙字德溫鄞人也少雋異九歲能詩稱神童稍長淹貫經史無書不覽登元符進士第授明州教授著春秋訓詁召陞宮教拜大宗正卿至觀文殿大學士提舉台州崇道觀築室西山日集諸儒講學以教授族間之子

弟鄉稱崇儒館卒謚文莊平生稟性仁厚忠孝著聞子思溫觀文殿大學士思齊端明殿大學士孫大猷敷文殿大學士自有傳

尚書右丞陸農師佃

陸佃字農師山陰人居貧苦學夜無燈映月光讀書躡
橋從師不遠千里過金陵受經於王安石熙寧三年應
舉入京適安石當國首問新政佃曰法非不善但推行
不能如初意還爲擾民如青苗是也安石不悅尋禮部
舉首擢甲科授蔡州推官召補國子監直講安石以佃

不附已專付之經術不復咨以政事安石子雱用事好
進者坐集其門至崇以師禮佃待之如常同子韶修定
說文入見神宗問大喪襲衣佃考禮以對神宗悅用爲
詳定郊廟禮文官時同列皆侍從佃獨以光祿丞居其
間每有所議神宗輒曰自王鄭以來言禮未有如佃者
加集賢校理崇政殿說書同修起居注元豐定官制擢
中書舍人給事中哲宗立更議先朝法度去安石之黨
事多諱變所從安石卒佃獨率諸生哭而祭之識者嘉
其無向背以修撰神宗實錄徙禮部與史官范祖禹黃

庭堅數爭辯。大要多是安石而爲之。隱庭堅曰。如公言。蓋佞史也。佃曰。盡用君意。豈非謗書乎。錄成。增秩出知江寧府。甫至。祭安石墓。徽宗立。召爲禮部侍郎。尋拜尚書右丞。佃執政。持論多近恕。每欲參用元祐人才。不欲窮治其黨。讒者用。是詆佃曰。佃名在黨籍。不欲窮治。政恐自及耳。遂罷爲中大夫。知亳州數月。卒。年六十一。追復資政殿學士。佃著書二百四十二卷。於禮家名數之說尤精。如婢雅禮象春秋後傳。皆傳于世。

莫君陳 子砥孫伯虛附

莫君陳興典歸安人也少從胡安定學篤志力行登嘉祐進士第不赴調御家嚴整無大小對之如神明子恁知永嘉惠愛及民民立祠祀之孫伯虛知常州有甘露嘉禾之瑞

太常少卿江彥文緯

江緯字彥文常山人元符三年以太學內舍生上封事哲宗召對稱旨賜進士及第緯精於經學口授諸生皆能發前儒未發之旨當時從子少虞少齊漢皆從受業若負笈而至者則汪藻程俱李處業趙子盡作者七人

擢科顯仕時人指爲文中虎遂扁講學之所曰七賢堂
紹興間綿任太常少卿以言事忤時乞身歸老卒

張適道堅

張堅字適道諸暨人家貧篤學力以聖賢自任聞胡安
定教授湖州負笈徒步往從之旦夕研味至忘寢食不
暮年盡得六經之奧辭歸鄉里開門受徒從游者甚衆
每語諸弟子曰人皆可以爲堯舜自信得過則精一之
傳在我後以八行舉得官尋改京秩貧不能給吟嘯自
若當時稱爲醇儒

太常博士湛若

錢起錢演附

湛若餘姚人。博雅以鴻碩稱。時舉子各占一經或詞賦便足。若於六經詞賦無不通解。同邑呂次姚建義學。聘若爲師。諸生常數百人。每執經問難。辯若懸河。汎濫百家。諸子然後折衷聖經。諸生無不辭願。官終太常博士。時有錢起及其子錢演亦相繼教授。學徒常與若等。

崔文學廷碩貢

崔貢字廷碩。仁和人。端重有識。內行淳備。大觀中。詔舉八行。郡邑以貢應。授密州文學。卒。鄉人尊曰八行先生。

儲碩

卷之一

七

光緒

殿中丞祝履中常

祝常字履中常山人從胡安定學。恭履端毅未嘗以解色借人。登進士第。王安石深器之。時有詔解三經義。常出正義反覆辯難。論者是之。遂忤安石意。出令平陽終殿中丞。有蓬山類苑。元誥正謨諸論。及清高集行於世。

工部侍郎龔深之源

子楫附

龔原字深之。遂昌人。由進士爲太常博士。國子司業。遷起居舍人。給事中。工部侍郎。初邑人未知學。原篤志明。經致身通顯。著易解等書。行於世。由是翕然化之。凡永

嘉先輩以經學鳴者淵源皆出於此嘗謫和州金人竊據其子楫率家僮往襲之金挾兵至楫麾其衆曰今日聞死亦足爲義士遂死之

夏元肅侯

周升繆景仁附

夏侯字元肅龍游人與周升繆景仁爲師友皆以明經教授時號三俊俱舉進士侯嘗語其徒曰古之學者下學上達今文雖小伎自有上達之理但爲科目所累故判本末爲兩途耳聞者悚服所著有柯山書解

方性夫慙

方慤字性夫桐廬人家世業儒慤性至孝父死廬墓飲食寢處皆如禮三年喪畢猶不肯歸覃思積年註禮記集解政和三年領鄉薦至京師表進記解於朝詔賜上舍釋褐而頒其書於天下學者宗之及居官所至以剛廉稱家置萬卷書堂雖老手不釋卷朱文公嘗曰方氏禮記解儘有說得好處不可以其新學而黜之也

知常先生周南仲南

周南字南仲自號知常叟遂昌人也壯歲東書游四方將求所以應世者及見李易作狀元遂無仕進意悉弃

其所學受潘子醇忘筌書以歸日聚邑士子以易旨講授之其講易也由靜極生動乾生於坤因歸其說於坤之六二大抵皆祖忘筌而暗合於歸藏時人稱之爲知常先生

經行先生丁昌期

子寬夫蘄夫志夫附

丁昌期永嘉人以明經篤行師表後進嘗作醉經堂鄉人尊之曰經行先生三子寬夫三舉鄉貢蘄夫舉八行志夫登紹興進士第俱好古力學日侍父側弟兄商論如師友不爲苟且曰此理天下所共不可爲家庭屈比

執親喪。斥去浮屠。歲時祭享。一遵古禮。時多法之。

奉直大夫方伯治銘

方銘字伯治。淳安人。少以詞章名。兩魁郡試。後棄去。盡心聖賢。知行之學。每曰。人與天地對立者。文藝云乎哉。日訓諸子。所講明。必以窮理盡性爲先。至於應事接物。則以持敬實踐爲功。其教不言而躬行。不見其有的。然之迹。而家庭日用起居。無非六經之道。暨二子逢辰。逢振前後及第。乃曰。吾昔以爲不足爲者。今吾兒爲之。爾曹勿謂足也。及第後授宜教郎。歷官奉直大夫。兩淮制

置司叅謀官

鄭熙績汝諧

鄭汝諧字熙績平陽人。恭行純固言動必謹於禮博學強記老不釋卷經史百氏器數刑名之書無所不覽舉輒成誦時號武庫紹典中入太學會東朝稱壽覃恩封其母乃曰吾母爲命婦吾復何求於是歸隱後格當推恩卒不就

秘書少監戴彥肅良齊

戴良齊字彥肅黃岩人嘉熙進士累官秘書少監以古

文鳴而尤精性理之學。所著有中說辨妄通鑑前紀。曾子遺書論語外書。孔子年譜世譜。七十子說。林公輔答徐始豐書有曰。當今經書雖皆完具。而禮經獨爲殘闕。加以漢儒之記有不能也。郡先哲戴大監嘗力爲之辯。草廬吳文正公師之得其說於今未大行也。觀此則其學之源委可見矣。

王蘊文賁

王賁字蘊文。天台人。介特有守。鄉俗化之。不敢爲非。王賁翁創上蔡書院。金華王魯齋爲堂長。賁具古冠服來。

謁及魯齋歸乃敦請代理其事既卒無以歛門人爭經理其喪至於葬道有兩岐一大而遠一狹而近門人請於其婦婦曰先夫平日不曾由徑不可以死而違其志聞者歎息曰有是夫宜有是婦

龍圖閣學士葉秀發時

葉時字秀發仁和人第進士歷事四朝官終龍圖閣學士恭履端方博學善屬文尤邃於周禮爲學者所宗晚居嘉興著禮經會元及竹塹詩集行於世卒謚文康

唐與政仲友

父堯封附

唐仲友字與政御史堯封之子堯封遇事敢言不避權貴劾王之望錢端禮驟進不報輒棄官歸死之日無以爲歛仲友少承父訓博涉羣書登紹興進士復中宏詞科累官判建康府轉知台州興利除害政聲煒然俄爲同官所忌以劾罷主管建寧武夷山冲道觀開席授徒學者雲集仲友史學精絕尤邃於諸經下至天文地理王霸兵農禮樂刑政陰陽度數郊廟學校并野畿疆莫不窮探力索而會通其故精粗本末兼該並舉與呂子同居於婺而獨尚經制之學然天性廉直與物多忤仕

未通顯托之論述而終所著有六經解九經發題經史
難答孝經解愚書諸史精義帝王經世圖譜乾道秘府
羣書新錄天文地理詳辯故事備要詞科雜錄說齋文
集其後諸孫懷敬復集爲文粹蘓伯衡爲之序

張忠父淳

張淳字忠父永嘉人嚴重深博工古文尤習冠婚喪祭
古禮其器制儀節損益考訂纖悉無遺校讐儀理爲之
句讀欲考禮者必請正焉朱子通解首引用其說誠特
奏得初品官不出仕朝廷知其賢屢命監南嶽廟凡五

任竟不食其祿。人問之曰：「國家養賢，豈俟請邪？」卒隱約以終。尚論者至今高其志操。

杏溪先生傅同叔寅

傅寅字同叔，義烏人。幼嗜學，經史百家悉能成誦。比長，益求異書而讀之。間從唐仲友質疑問難，仲友喜曰：「吾益友也。」及聞其升陝分陝之說，語門人曰：「職方輿地盡在同叔腹中矣。」寅於天文地理、明堂封建、井田律曆、兵制之類，世儒置而不講者，靡不窮究根穴，訂其僞繆，號曰羣言百考。曰：「大愚閱其禹貢圖攷，曰：『可謂集諸家之』」

大成矣。黃文叔欲與同列奏補以官。知其不可屈。乃止。學者因其居。稱之曰杏溪先生。卒年六十八。

安撫叅議戴文子栢

戴栢字文子。永嘉人。溪之族子也。登嘉定第。爲太學博士。遷秘書郎。出知臨江軍。改知衡州。俱不赴。久之。起爲湖南安撫叅議官。卒。栢少師水心。葉適得其旨要。故明經之外。亦工於文。嘗曰。詩壞於衛宏之序。春秋誤於公羊之傳。易由於三聖繫爻象象之互入。書失於孔壁序傳。簡編之相亂。周禮特周公大約之書。當時有未必盡。

行者識者是之所著有五經說諸子辯論東都要略

禮部侍郎高抑崇閣

高閌字抑崇鄞人弱冠入太學見楊時授以伊洛之學
宣和間文體駢弱閌力變之紹興元年賜進士第執政
交章稱閌議論簡正明於治體可居經筵勸講五年授
秘書正字高宗手書中庸儒行以賜進士閌言儒行多
漢儒雜記中庸實子思所傳乞罷賜儒行蓋禮部侍郎
遷國子司業三舍學法皆閌所更定以忤秦檜致政歸
絕口不言時事作春秋集註推明程子本旨又集厚終

禮一卷行於世累官禮部侍郎贈少師謚憲敏

寧海簿毛叔度宏

祖通彥父徹兄宣附

毛宏字叔度其先括蒼人大父通彥元祐間以經術詞賦三與計偕後徙樂清父徹有文行受詩學試爲上舍優等以父謁告不及貢居鄉以賢德稱與邑大夫交雖毫髮不干以私縣起新學徹治其事學成邑令俾爲之長以表率後進宏資稟不凡幼與兄宣俱有儒聲俱能世其家學當時目之曰二毛公入太學繼試禮部以春秋魁天下士中紹興第授寧海簿沉毅有守民莫敢犯

甫半歲而政教大行會丁父憂歸居喪過制尋以毀卒

太學博士關子東注

關注字子東世爲錢塘人登紹興五年進士第調教授
湖州與胡瑗之孫滌瑗遺書得易解中庸義藏之學
宮意在美風俗新人材也仕至太學博士卒自號香巖
居士有關博士集二十卷行於世

茂陵先生馬師文之純

馬之純字師文東陽人登隆興元年進士第初爲嚴州
比較務終於沅倅受知張栻潛心經籍學者多從而受

業焉常以大任期弟子喬行簡卒如其言著尚書論語中庸說周禮有隨釋類編春秋左傳有紀事編年詩文若干卷學者稱之曰茂陵先生。

都官員外郎唐進道閣

唐閱字進道山陰人少爲學刻苦夜未嘗卧舉進士屢遷都官員外郎乾道間兩浙飢詔爲浙東檢察賑濟州縣所全活甚衆嘗以左氏春秋放遷固史例以周爲紀列國爲傳又爲表志贊合五十一卷號左史傳行於世。

博士邵萬宗困

邵國字萬宗蘭谿人淳熙八年進士授郴州教授改潭
州朱子帥湖南以學行薦遷楚州倅奉祠家居名其堂
曰今是所著有曲禮王制樂記大學中庸解五篇及讀
易管見今是堂遺稿等書朱子曰長沙博士邵君困得
吾亡友敬夫所次三家禮範而刻之學宮蓋欲吾黨之
士相與深考而力行之以厚彝倫而新陋俗其意美矣
其爲名儒所推重如此

王子安用亨

王用亨字子安崇德人舉淳熙進士好讀書手抄口誦

至忘寢食鄉人多從之游遠方學者亦聞風而至悉隨其氣質優游而啓迪之類爲聞人分教襄陽表倡士類嘗作二記置諸左右悲世自警其行已蓋有實云

瀏陽丞胡浚明宗伋

胡宗伋字浚明餘姚人童時便如成人其父呼曰老子及長刻意于學元符間試禮部不第歸益市書築室教授鄉里學者多從之游宗伋性至孝跬步未嘗忘親賑人之急必窮其力建炎之亂士人避地明越者多以宗伋爲歸依宗伋雖窮老而學不倦會孝宗御極恩宗伋

五上禮部矣。例授房州文學。調瀏陽丞。用薦監嚴州比
較務最進一官。丐祠監南嶽廟。宗伋擿行方軌。篤於道
德。性命之旨。其交游子弟非是莫取。史稱宗伋爲醇儒。
眉州通判趙周錫彥。 子淦夫附

趙彥。字周錫。東陽人。師事呂祖謙。擢取應科。授右選。
非其志也。精春秋。左氏作發微一百篇。以進上。嘉之。特
循一資。旋借和州觀察使。金吾上將軍。克接伴副使事。
訖。撰虜使問答一篇上之。特轉一官。隆興元年。登進士。
擢宣義郎。累遷眉州通判。卒。彥。字好學。有文著述。不倦。

有詩凡數百篇名西征隨筆子淦夫尤工於詩

復齋先生趙子欽彥肅

趙彥肅字子欽建德人天資孝友留意聖賢之學窮理盡性弗深造自得弗措也登乾道進士第會光皇遺劔輟三年不仕宰臣周必大薦之孝廟甚力彥肅益以近名爲嫌仕至寧海軍節度推官所著有易說及廣學雜辯士冠士婚饋食圖行於世宋文公觀其書歎曰近世未有如此看文字者學者稱爲復齋先生

僊居尉傅升可芷

傅芷字升可義烏人六經俱通尤精史學從游之士戶履常滿登淳祐五年進士第授僊居尉未上而卒所註有六經講義及南園詩文雜稿二十卷

李國紀元綱

李元綱字國紀錢塘人號百鍊真隱乾道間以上庠賢士寄居吳興之新市力學好古雖困窮撝履益堅怡然自得不爲外物異端之所撻奪撰聖賢事業圖集說三先生西銘解厚德錄言行編諸書

章升道樵

章樵字升道昌化人嘉定元年進士歷海州高郵山陽
教官習知海徵事再上時相書力陳李全必叛劉瑋不
可任重後全果亂郡縣官多被禍樵率諸生盛服坐堂
上講誦賊至歛刃而退擢宰吳判常州皆以廉著御史
洪咨夔舉擢監登聞鼓院尋以疾乞歸授知處州樵學
宗伊洛所著有集曾子十八篇章氏家訓七卷補註董
仲舒春秋繁露十八卷古文苑二十卷

林奇卿椅

林椅字奇卿麗水人登紹熙進士淹貫經術而於周禮

尤精以周禮爲周公經世之書凡民極所由立日用之
常誠僞之變莫不區別纖悉畢備椅乃隨類條列之名
曰周禮綱目調紹興府教授時翰林學士樓鑰禮部尚
書倪思表其所著進奏除刑工二部架閣以壽卒

國子博士戚少白如琥

戚如琥字少白金華人自幼力學長游呂東萊之門其
學務以修身齊家而見諸實用不爲空言東萊每歎異
之紹熙元年登進士兩科授杭州教授遷國子博士時
相欽用爲諫官諷使贊啓確然不屑且乞外補出知台

州尋改袁州政績大著及卒門人私謚曰貞白先生

朝議大夫虞從道復

虞復字從道義烏人師事倪千里傳永嘉春秋之學由太學登進士第以楊村酒官上緝熙殿四十八規理宗大喜累官太常博士大宗正丞出知信州時史嵩之開督府以御札盡收列郡利權因上表進愛養根本之說大忤史意有旨除都官郎官御史金淵承風旨奏寢新命遂奉祠歸祠滿差知興化軍不赴嵩之雖去而鄭清之再相復亦其所忌退居東巖十有五年清之罷董丞

相槐力薦於朝。待次入見。改尚書郎官。輪對舉大學正心誠意爲綱領。分好樂忿懣爲節目。援漢文帝欲造露臺。以爲好樂之勸。上嘉納。乞外差。知寧國府。改知遂州。命未下。以疾革。請納祿。得旨。轉朝議大夫。致仕卒。所著有成已集。告蒙告忠遠齋集。合八十餘卷。

工部侍郎張子宓處

張處字子宓。慈谿人。唐建中宰相鑑之裔也。習詩易工辭賦。登慶元進士。教授臨江樓宣獻。見而器之。尋爲浙東安撫使屬官。帥檄處督漕剡縣。處謝不往。除太學正。

叙遷博學時金將亡上疏言昔聞其衰則喜今聞其衰
當懼蓋雖足偷一時之安而所當深防者實在於自治
遷秘書丞以疾出守南康改處州政多惠利性澹泊奉
祠家居端平元年天子遴選經筵官以國子司業兼侍
講召處講月令至孟秋決疑訟反覆數百言復成月令
解十二卷以進陞國子祭酒工部侍郎麗眉冠帶諸生
望之肅如也壽八十卒謚文靖

石晉卿一鰲

子子定附

石一鰲字晉卿義烏人景定甲子鄉貢進士少從王世

無得徐僑之端緒學茂而聲遠嘗典教邑庠從學數百人
人多取高第故名愈振晚年覃思於易著互言總論十
卷子子定字安叔端敏純孝繼母朱性嚴毅子定奉養
不倦無愠色閱三十年未屬續之前謂之曰汝善事我
汝子孫世世皆如汝我之願也里人多稱其孝至元四
年卒

大理卿黃新之蛻

黃蛻字新之淳安人淳祐七年廷試進士第二蛻學博
而正著作不留稿人得其片紙隻字必珍藏之自建昌

軍僉判遷大理卿所至以文學知名未幾歸老卒學者
祠之於石峽書院徐夢高贊之曰巍科早掇魁業開先
進不汲汲退亦恬然冰蘖之恭金石之堅身修不貳體
受歸全

國子博士施景文郁

從子南一附

施郁字景文義烏人由太學內舍登高第擢國子博士
從子南一字與之咸淳龍飛第六人亦官太學博士與
石一鼈黃潛同時並以文學教授從游者以百數名人
科士多出其門所著有石氏易五言總論春秋經傳記

要等書

太常寺丞梁子奇椅

梁椅字子奇麗水人登嘉熙進士第時甫弱冠耳蚤脫場屋遂得潛心講貫肆力爲文晚歲慕程朱之學編輯遺論名曰論語翼除太常寺丞權禮部郎官

太府卿何巖叟夢桂

何夢桂字巖叟淳安人登咸淳元年廷試進士第三授台州軍判官改太學錄遷博士添倅吉州時廂軍不受令鼓譟而起夢桂與疾往諭遂帖然除太常博士監察

御史抗疏言守避之計大略謂今之言守者以守爲守不若以戰爲守以避爲避不若以守爲避書上報聞而省符選軍器監以歸尋轉太府卿時事已不可爲矣元初御史程文海薦之朝授江西儒學提舉以疾辭不赴築室小有源不復與世接著書自娛有易衍大學說中庸致用等書而於易尤精解釋圖象發揮奧妙有先儒所未言者學者因其自號稱爲潛齋先生

南康僉判呂冲之

從兄聲之附

呂冲之新昌人與從兄聲之同師陳傅良友蔡行之在

大學有聲。冲之博學精思。研究經史。尤工詩文。傳良深。器之舉進士。歷南康軍僉判。集諸生講道於白鹿洞。未幾引疾歸。表正鄉閭。家無餘資。所著壁經宗旨及詩文墨妙。世傳之。

洪正字揚祖

洪揚祖。鎮東節度判官璞之子也。嘗從袁甫錢時講貫義理之學。以切直忤時。調寧浦教授。辟廣西帥幕。論嶺南買塩及橫山以錢易馬事。多所建置。裨益遷京教。除太傅。置登善錄書諸生之善言善行而不及其過惡。一

時士多嚮風。召試館職。除正字。輪對者三。懇懇以講學正心誠意啓沃君心。自號錢溪。有文集若干卷。藏於家。南陵先生王威仲炎澤。

王炎澤字威仲。義烏人。父濟。景定二年。國子免解進士。炎澤少嗜書。稍長。治舉子業。有聲鄉邦。當宋運去物改之後。而場屋事廢。因得專意探索聖賢之微旨。家庭所授。竟得其素。又從徐僑門人。傳考亭之學。風聲氣習之所存。感發尤多。而操行愈堅。窮居約處。開門授徒。絕口不言仕進。學者尊爲南陵先生。炎澤待人一本於誠言。

論磊落無所隱蔽莫不敬服爲諸生講說務推明大義不事支離穿鑿爲文簡質而主於理詩極渾厚而間出奇語不屑以雕刻求工所著有南陵類稿二十卷

學諭陸德甫震發

陸震發字德甫淳安人少聰敏書多淹洽而尤明於春秋淳祐中知州王佖知縣虞虢力薦之朝以親老乞鄉校就養乃授學諭嘗撰修學記有云人之一心本自虛明本自廣大無賢不肖均具至理特患物於物而不能物物耳其修已教人一本諸此所著有春秋講義繫志

一卷

張葆光

張葆光嘉興人市居讀易一目睛突出乃用萸葉熨眼且熨且讀遂超然有得見黃冕仲黃曰如師卦初長子師師二弟輿尸三在師中吉極分曉光曰作如此說宜其易也乃削簡盈箱布算縱橫所謂八陣圖五花陣諸法無一不出於此冕仲駭服

中書舍人何文瀾逢原

何逢原字文瀾分水人咸淳中累官中書舍人嘗因輪

對陳時政十事言甚剴切已而知時事不可爲遂引疾去至元中御史程文海薦之朝授福建儒學提舉辭不赴卒於家逢原專究經史旁通陰陽星曆醫藥之書至於佛老之說亦必辯其所以背於吾儒者所著有易詩書通旨四書解說玉華集若干卷藏於家

舒平江通叟津

弟許附

舒津字通叟奉化人讀書績學期至古人登景定三年進士第遷太學博士知平江蒞事勤敏雅志澹如嘗傳采傳記著續蒙求尚書解春秋集註十七史綱目從弟

許字平叟清苦獨立景定元年入太學講明正學雖寒暑弗懈著易釋二十卷繫辭釋三卷讀書隨筆五卷心書六卷一門經學人謂得於文靖之傳

張潤之

張潤之金華人自號思誠子篤實清介專心問學宋季避地長山摘其幽勝爲十詠一時名士多賡詠之元學士黃潛爲之跋云先生之微言與古世莫得聞尚賴此詩之存其高風雅韻猶可槩見云

人齋先生胡德夫一桂

胡一桂字德夫永嘉人咸淳庚午領鄉薦辛未上春官不第歸闕家塾授經自號人齋學者皆以人齋先生稱之會郡政有得失隨事敢言一時守丞僚佐枉車問字詩酒外語不及私德祐乙亥上丞相書幾萬言忠誠懇切莫能行之未幾元兵至溫一桂屹坐家廟不以生死動其心董左丞俾攝郡文學自是研究周公經國制度參訂互考至忘寢食故六官錯簡一旦貫通遂成補正古周禮一百卷又有四書提綱孝經傳贊子義口義講義存稿學者並傳之

高山先生許子瑜瑾 兄薦附

許瑾字子瑜。玄度之後。世居剡之東林。博極經史。嘗從朱子游。明於理學。鄉先生俞漸狀其行曰。子瑜學博而正行峻。而和文麗。而則君子人也。學者從之。隨其資稟。皆厭足。所欲稱爲高山先生。宋運旣改。徵辟不就。所著有春秋經傳十卷。文稿若干卷。兄薦亦以詩文名稱高士。

兩浙名賢錄卷之一終